



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-138-4/22**
Datum: **12.05.2022.**

«Agencija za vodno područje rijeke Save» Sarajevo rješavajući po zahtjevu Investitora „FORCE MMI“, d.o.o. Jajce za donošenje rješenja o vodnoj dozvoli za ispuštanje oborinskih, onečišćenih i tehnoloških otpadnih voda u prirodni recipijent voda sa lokacije objekta benzinske crpke s pratećim objektima (autopraona i autoservis) koja se nalazi u naselju Lučina bb, općina Jajce, na osnovu člana 109. stav 1. Zakona o vodama («Službene novine Federacije BiH, broj 70/06») i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola Investitoru „FORCE MMI“, d.o.o. Jajce za ispuštanje oborinskih, onečišćenih tehnoloških otpadnih voda u prirodni recipijent sa lokacije objekta benzinske crpke s pratećim objektima (autopraona i autoservis) koja se nalazi u naselju Lučina bb, općina Jajce, na zemljištu označenom kao k.č. broj: 28/1, zk.ul.523, k.o. Lupnica, općina Jajce.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da se smještaj nafte i naftnih derivata vrši u ukopanim čeličnim dvoplašnim rezervoarima ukupne zapremine 100 m³ (2x40+20).
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da korisnik predmetnog objekta, za vrijeme trajanja ove dozvole, osigura da se onečišćene vode sa saobraćajnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u rijeku Vrbas.
 - 3.5. Da se uspostavi i redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe.Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje

- moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.6. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.7. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 3.8. Prečišćene oborinske vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije.
 - 3.9. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.11. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, točke 12,13 i 22. te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove dozvole, investitor, odnosno korisnik „FORCE MMI“, d.o.o. Jajce je dužan provoditi sve mjere i aktivnosti propisane istom.
 6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
 10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godine od dana izdavanja ovog rješenja.
 11. Prije isteka važnosti ove dozvole Investitor „FORCE MMI“, d.o.o. Jajce, dužan je da zatraži izdavanje nove vodne dozvole.

Obrazloženje

Investitor „FORCE MMI“, d.o.o. Jajce, podnio je zahtjev za izdavanje vodne dozvole za ispuštanje oborinskih, onečišćenih i tehnoloških otpadnih voda u prirodni recipijent za lokalitet na kome je izgrađena benzinska crpka s pratećim objektima (autopraona i autoservis) u naselju Lučina bb, općina Jajce, na zemljištu označenom kao k.č. broj: 28/1, zk.ul.523, k.o. Lupnica, općina Jajce.

U provedenom postupku dostavljena je i pregledana sljedeća dokumentacija:

- Kopija Rješenja o aktualnom izvodu iz sudskog registra broj: 051-0-RegZ-21-001764 od 23.11.2021. izdano od općinskog suda u Travniku;
- Kopija Uvjerenja o poreznoj registraciji od 26.07.2013.godine, izdanog od strane Porezne uprave – Kantonalni ured Novi Travnik;
- Rješenje o registraciji obveznog poreza na dodanu vrijednost br. 04/5—1/I-17-1178/06 od 03.05.2006.god. izdano od Uprave za indirektno oporezivanje Banja Luka;
- Kopija uplatnice administrativne takse;
- Upotrebna dozvola za benzinsku crpku br:03-23-611/07 od 24.07.2007. izdana od Službe za prostorno uređenje i graditeljstvo, općine Jajce;
- Rješenje o odobrenju rada trgovine na malo i djelatnost pripreme i usluživanja pića br. 05-20-2-23/11 od 08.03.2011.god., izdano od Službe gospodarstva općine Jajce;
- Glavni projekt vodovoda i kanalizacije izrađen od poduzeća „ZAGREBINSPEKT“ d.o.o. Mostar oznake 01-15-26-I/13 od siječnja 2013., vraćen investitoru;
- Ugovor sa poduzećem „DELTA PETROL“ d.o.o. Kakanj o čišćenju i održavanju separatora ulja i masti;
- Godišnji izvještaj o monitoringu kvaliteta i kvantiteta otpadnih voda benzinske pumpe izrađen od „ZAGREBINSPEKT“ d.o.o. Mostar za 2021.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-138-3/22 od 04.05.2022. na kome je konstatirano sljedeće:

Objekat benzinske pumpe sa pratećim sadržajima je izgrađen u naselju Lučina, općina Jajce, na zemljištu označenom kao k.č. broj 28/1, zk.ul.523, k.o. Lupnica, općina Jajce. Objekt benzinske crpke se sastoji od autopraone, autoservisa, prodajnog objekta, uredskog prostora, kafe bara, nastrešnice sa automatima za istakanje goriva, podzemnih, dvoplašnih spremnika za skladištenje goriva, separatora masti i ulja i manipulativnih površina.

Zauljene oborinske vode sa radnih, prometnih i manipulativnih površina, benzinske crpke, autopraone, autoservisa se sistemom uličnih slivnika i kanizacionih cijevi prikupljaju i odvođe do tipskog separatora ulja i masti tip AGM 6000 KZ 20 VC-T DN 200. Preliv iz separatora je u 28/1, zk.ul.523, k.o. Lupnica, općina Jajce izgrađen za potrebe poduzeća ATP VRBAS s prelivom u rijeku Vrbas.

Radne, prometne i manipulativne površine su završno obrađene asfaltom odnosno betonom, sa padovima prema slivnicima.

Fekalne vode se upuštaju u postojeći kanizacioni sustav.

Vodoopskrba je sa gradske vodovodne mreže.

Smještaj goriva se vrši u ukopanim čeličnim dvoplašnim spremnicima ukupnog kapaciteta 100 m³ (2x40+20).

Ugovor o čišćenju i održavanju separatora ulja i masti sklopljen je s poduzećem „DELTA PETROL“ d.o.o. Kakanj.

Ispitivanje kvaliteta i kvantiteta ispuštenih voda se mjeri u upojnom bunaru od strane „ZAGREBINSPEKT“ d.o.o. Mostar i godišnji izvještaj za 2021.god., zadovoljava se uvjete propisane Uredbom o uvjetima ispuštanja otpadnih voda u okoliš i sustav javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uvjeti kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatira se da je podnosilac zahtjeva „FORCE MMI“, d.o.o. Jajce, ispunio minimum uvjeta za izdavanje vodne dozvole za ispuštanje oborinskih onečišćenih voda sa lokacije benzinske crpke s pratećim objektima (autopraona i autoservis) te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.grad.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.grad.

Dostaviti:

- „FORCE MMI“, d.o.o. Jajce, Lučina bb, Jajce.
- AVP Sava, ISV-vodna knjiga
- sektor 50
- ⊙ sektor 40 – arhiva
- Oglasna ploča- AVP Sava